



ÅRSMELDING 2022

SPAREBANKSTIFTINGA HARDANGER - PÅ LAG MED DUGNADSÅNDA

OMSLAGSBILETE

SKATEPARK PÅ VOSS: OPNING AV SKATEPARK I REGI AV VOSS AKTIVITETSPARK 2022.
SPAREBANKSTIFTINGA HARDANGER HAR YTT 1,6 MILLIONAR KRONER TIL PARKEN. FOTO:
SPAREBANKSTIFTINGA HARDANGER

INNHALD

Bakgrunn og føremål	3
Ålmennyttig verksemd	3
Nyskapparpris.....	5
Kulturstipend til ungdom	6
Koronafond.....	6
Eigarstrategi	6
Regelverk for kapitalforvaltning	7
Resultatet av finansporteføljen.....	8
Økonomisk resultat	10
Skatteforhold.....	10
Styrande organ	11
Administrasjon og administrative tilhøve	11
Forskings- og utviklingsaktivitetar.....	11
Arbeidsmiljø	11
Likestilling	12
Framtidsutsikter	12

BAKGRUNN OG FØREMÅL

Sparebankstiftinga Hardanger vart skipa 1. november 2011 som følgje av at Sparebanken Hardanger vart slått saman med Sparebanken Vest. Bakgrunnen for skipinga var å sikra at midlane opparbeidd gjennom nær 170 års bankverksemd i Sparebanken Hardanger var sikra lokal nytte og eigarskap.

Stiftinga er den største eigaren i Sparebanken Vest, og deler av utbytter som stiftinga mottek frå banken vert kvart år delt ut som gåver til Hardanger og Voss regionen.

STIFTINGA SINE HOVUDFØREMÅL ER:

- VIDAREFØRA SPAREBANKTRADISJONANE VED Å GJE GÅVER TIL ÅLMENNYTTIGE FØREMÅL
- VERA EIN LANGSIKTIG OG STABIL EIGAR I SPAREBANKEN VEST
- SYTA FOR EI FORSVARLEG KAPITALFORVALTNING AV DEI MIDLAR STIFTINGA RÅR OVER


Stiftinga sine styringsdokument er vedtektene, regelverk for kapitalforvaltning, gåvereglement, og styreinstruks. Styret reviderar styringsdokumenta årleg og kartlegg risiko, vidareutvikling av rammeverk, retningslinjer og rutiner.

ÅLMENNYTTIG VERKSEMD

Eit viktig mål for stiftinga er å vidareføra sparebanktradisjonane, mellom anna ved å dela ut gåver til ålmennyttige føremål. Dette målet er tufta på gåveverksemda til Sparebanken Hardanger som hadde tradisjon for å vera ein viktig lokal støttespelar, og stor bidragsytar til lokale lag og foreiningar. Gåveverksemda til banken har vore med å sikra aktivitet og inspirert dugnadsånda i lokalsamfunnet.

Sparebankstiftinga Hardanger har som mål å vidareføra og forsterka banken sitt samfunnsengasjement. Ved å vera samfunnsbyggjande og langsiktig, tek stiftinga sikte på å vera ein viktig aktør i utviklinga av lokalsamfunnet. STIFTINGA SIN VISJON ER Å VERA PÅ LAG MED DUGNADSÅNDA.


Sidan starten i 2011 har stiftinga delt ut nær 138 millionar kroner, og i 2022 vart det tildelt rekordhøge 26,7 millionar kroner i gåver. Grafen under viser utviklinga av gåveverksemda i stiftinga sidan 2012.






DET TIDLEGARE ELEKTROSKULE
BYGGET I GRANVIN HAR FÅTT NYTT
LIV SOM BYGDEHUS OG
AKTIVITETSSENTER, NO SIST MED
UTANDØRS AKTIVITETSPARK OG
TRENINGSUTSYR TILGJENGELEG
ÅRET RUNDT. FOTO AKTIV GRANVIN

Vedtektene til stiftinga seier at det fyrst og fremst skal takast omsyn til det distriktet som har bygd opp kapitalen til tidlegare Sparebanken Hardanger ved disponering av gåver. Den geografiske fordelinga av gåvemidlar skal derfor samvariera med Sparebanken Hardanger sine tidlegare marknadsområder. Under er oversikt over totalfordelinga av gåver, fordelt per innbyggjar jamfør kommunestruktur frå 2011 (skipingsåret til stiftinga)



Det er eit mål for stiftinga å yta bidrag til eit breitt spekter av ålmennyttige føremål, og det er innanfor idrett/fysisk aktivitet, og samfunn/utvikling/ majoriteten av gåvene vert tildelt. Det vert vist til oversikt over gåvene i **note 10 og 11** i årsrekneskapan. Grafen under viser fordelinga av gåver for 2022 per søknadskategori.



NYSKAPARPRIS

Sidan 2017 har stiftinga delt ut nyskaparpris til ei verksemd i Hardanger og Voss som har synt nyskaping og nytenking, som har potensiale for vekst, og som bidreg med nye arbeidsplassar som kjem lokalsamfunnet til gode. Prisen er på kr 300 000,- I 2022 gjekk prisen til Flor AS, som produserar funksjonelle arbeidskle for kvinner med jobb i aktive yrke. Flor fekk prisen for å ha synt kreativitet, nyskaping og stå på vilje i ein mogen marknad.



PRISUTDELING TIL FLOR AS VED KRISTING LEMME UNDER HARDANGERKONFERANSEN I NORHEIMSUND 10.11.2022.
FOTO: KRISTIN LEMME

KULTURSTIPEND TIL UNGDOM

Sparebankstiftinga Hardanger har òg ført vidare tradisjonen frå Sparebanken Hardanger med utdeling av kulturstipend til ungdom. I 2022 vart det delt ut 9 stipend à kr 30 000,- til gåverike ungdomar i regionen innan kultur og idrett. Utdelinga tok stad på lokale arrangement, under Hardanger Trebåtfestival i Norheimsund og Ekstremsportsveko på Voss.



UTDELING AV
KULTURSTIPEND UNDER
OPNING AV
EKSTREMSPORSTVEKO
26.06.2022. FOTO:
MARIANN HAUGER

KORONAFOND

I 2020 etablerte stiftinga eit koronafond på 2 millionar kroner, til hjelp for lag og organisasjonar som vart råka av koronapandemien. I 2021 vart det tilført nye 2 millionar kroner til føremålet. Av koronafondet vart det tildelt kr 1 663 127 i 2020, kr 1 121 000 i 2021 og kr 1 000 000 i 2022. Samla tildeling er kr 3 784 127, der det står att kr 215 873 i fondet pr 31.12.2022. Styret vil vurdere vidare framtid til koronafondet i løpet av 2023.

EIGARSTRATEGI

Stiftinga skal vera ein langsiktig og stabil eigar i Sparebanken Vest.

- Grunnkapitalen til stiftinga er 6 millionar eigenkapitalbevis i Sparebanken Vest, kvar påydande kr 25,-
- Stiftinga eig i tillegg 5 954 394 eigenkapitalbevis i Sparebanken Vest pr 31.12.2022
- Sparebankstiftinga Hardanger har ikkje selt eller kjøpt eigenkapitalbevis i 2022.
- Totalt antall eigenkapitalbevis i stiftinga si eige er då 11 954 394, som tilsvarar 10,9% av eigenkapitalbevisa i banken.
- Sparebankstiftinga Hardanger er den klart største eigaren i Sparebanken Vest

Stiftinga har forventningar til økonomisk forsvarleg bankdrift og stabilt utbytte. Stiftinga ynskjer å utøva styringsrett i Sparebanken Vest gjennom representasjon i styrande organ.

Sparebanken Vest leverte i 2021 eit godt økonomisk resultat. Gjeldande utbyttepolitikk gjev rom for utbetaling av inntil 50% av overskotet per eigenkapitalbevis. Dette danna grunnlag for utbetaling av utbytte i mars 2022 på kr 4,50 per eigenkapitalbevis, tilsvarande 53,79 millionar kroner.

Marknadsverdien av stiftinga sine eigenkapitalbevis i Sparebanken Vest var kr 1 104 586 006 per 31.12.2022.

6 millionar eigenkapitalbevis er definert som stiftinga sin grunnkapital og er vist som finansielt anleggsmiddel i rekneskapen. Dei resterande 5 954 394 eigenkapitalbevisa har i 2022 vorte omklassifisert frå omløpsmiddel til anleggsmiddel av rekneskapsmessige årsaker. Anleggsmidlane er bokførte med kostpris i rekneskapen. Meirverdien av stiftinga sine eigenkapitalbevis tilsvarar kr 726 277 419. Det vert vist til **note 5** i rekneskapen.

REGELVERK FOR KAPITALFORVALTNING

Stiftinga sine midlar skal plasserast på ein føremålsteneleg og forsvarleg måte. Det er ei overordna målsetjing at stiftinga skal iverata realverdien på grunnkapitalen. Formålet med investeringar er ellers å sikra stabil drift, dele ut gåvemedlar og kunne delta i framtidige kapitalutvidingar i Sparebanken Vest.

Stiftinga si eige er fordelt mellom eigarskapsportefølje og finansportefølje. Eigarskapsportefølja består av eigenkapitalbevis i Sparebanken Vest. Finansportefølja består av andre kapitalinstrumenter som pengemarknadsfond, obligasjonar, aksjefond og bankinnskot.

Regelverk for kapitalforvaltninga er stiftinga sitt overordna styringsdokument for forvaltning av stiftinga sine midlar. Rammeverket omfattar mellom anna strategiske mål, avkastningsmål, risiko, aktivafordeling, rapportering og oppfølging. Regelverket vart sist revidert i februar 2023.

Kapitalforvaltninga til stiftinga er definert som passiv, då styret, administrasjonen eller stiftinga sine forvaltarar ikkje driv med høgt transaksjonsvolum av kjøp og sal av verdipapir. Det vert gjort langsiktige plasseringar for å sikra føreseieleg avkastning. Stiftinga si samansetjing av aktiva vert rebalansert tilbake til utgangspunktet 2 ganger per år, for å halda på det risikonivået som er fastlagt i reglement for kapitalforvaltninga.

Samansetjinga av finansportefølja er per 31.12.2022:

AKTIVAKLASSE	ALLOKERING	MÅL	MIN	MAX
Pengemarknad/Bank	31,56 %	20%	0%	50%
Obligasjoner Norge	20,32 %	22,5%	10%	50%
Obligasjoner Utland	20,27 %	22,5%	10%	50%
<i>Sum renteinvesteringar</i>	<i>72,5%</i>	<i>65%</i>	<i>55%</i>	<i>80%</i>
Aksjer Norge/Norden	4,41 %	5%	3%	7%
Aksjar Utland	16,92 %	20%	17%	26%
<i>Eigedom</i>	<i>6,52 %</i>	<i>10%</i>	<i>0%</i>	<i>15%</i>
<i>Sum eigenkapitalinvesteringar</i>	<i>27,85%</i>	<i>35%</i>	<i>20%</i>	<i>45%</i>
<i>Sum</i>	<i>100 %</i>	<i>100%</i>	<i>–</i>	<i>–</i>

Styret i stiftinga teikna seg i desember 2022 for ei investering i vekstfondet Sarsia Seed III på kr 10 millionar. Stiftinga har ikkje overført midlar til fondet i 2022, då kapitalinnhenting vil skje frå 2023 og utover. Investeringa vil derfor fyrst verta rekneskapsført, og koma i oversikt over samansetjinga av finansporteføljjen i 2023.

RESULTATET AV FINANSPORTEFØLJEN

Året 2022 har vore prega av finansiell, politisk og geopolitisk uro.

Stiftinga har òg merka nedgangskonjunkturane i 2022. Renteøkningar, inflasjon, krig i Ukraina, og stor volatilitet i både aksjer og renter har ført til eit negativt resultat på finansporteføljja. Resultatet er i all hovudsak urealisert tap som stiftinga forventar skal verta innhenta av framtidig positiv avkastning.


Samla investeringar i aksjefond, rente/obligasjonsfond og egedomsfond per 31.12.2022 var kr 292,3 millionar kroner.

Resultat av desse investeringane for 2022 er:

– Realisert avkastning	kr 2 244 181,-
– Ikkje realisert avkastning	kr – 22 513 464,-
– Tap ved salg av verdipapir	kr – 33 628,-
– Kursgevinst aksjefond	kr 997 943,-
– Refusjon forvaltningshonorar	kr 388 935,-

Sum inntekt kr – 18 916 033,-

Dette gjev avkastning på om lag – 6,6% (+6,3% i 2021). Resultatet er innanfor stiftinga sine strategiske rammer for nedsiderisiko og forventa verdifall ved stresstest. Oversikt over prosentvis avkastning for dei ulike aktivaklasser kjem fram av diagrammet under.



Stigande renter på bankinnskota motvirka noko av den negative utviklinga i øvrige deler av finansmarknaden, og gav stiftinga ei inntekt på om lag kr 2,5 millionar.

Det vert ellers vist til **note 1, 6 og 7** i årsrekneskapan



STIFTINGA HAR YTT FLEIRE
GÅVER TIL RESTAURERING AV
STIFTINGA HESTHAMAR
SKRIVARGARD. BILETET SYNER
MONTERING AV
HÅND/BLOKKTRYKT
VELOURTAPET SPESIAL
PRODUSERT I FRANKRIKE. FOTO:
MALERMESTER MEUSBURGER AS

ØKONOMISK RESULTAT

Stiftinga fekk i 2022 eit årsresultat på kr 35,1 millionar mot kr 61,9 millionar i 2021. Inntektene utanom utbytte på eigenkapitalbevisa i Sparebanken Vest på kr 53,8 millionar består i hovudsak av renteinntekter på kr 2,5 millionar og negativ verdiending på finansporteføljen på kr –18,9 millionar (mot positiv verdiending på kr 15,96 millionar i 2021)

Avkastning på totalkapital til stiftinga er om lag 5,28%

Driftskostnadane for stiftinga utgjorde kr 2 337 541,- i 2022 som er ein nedgang på kr 70 627,- frå 2021.

Styret gjer framlegg om at stiftinga sitt årsresultat på kr 35,1 millionar vert disponert slik:

- **Avsett til gåvefond** **17 millionar kroner**
- **Avsett til nytt straumstøttefond** **4 millionar kroner**
- **Avsett til anna eigenkapital** **14,1 millionar kroner**

Avsetjing til gåvefondet tilsvarar om lag 49% av årsresultatet. Styret gjer i tillegg framlegg om å disponera kr 4 millionar, øyremerkt til kompensasjon av ekstraordinære høge straumkostnadar for frivillige lag og organisasjonar. Total disponering til gåvefond vert då om lag 60% av årsresultatet. Gåvefondet vil i så fall ha ein verdi på kr 67 millionar kroner. Det er generalforsamlinga som vedtek disponering av årsresultatet, og som skal ta stilling til framlegg om oppretting av nytt straumstøttefond i møte våren 2023.

Grafen under visar utvikling av eigenkapitalen til stiftinga frå skipinga i 2011 til 2022. Sum eigenkapital per 31.12.2022 er kr 718 730 512,-



SKATTEFORHOLD

Skatt vest har i brev av 13.06.2012 lagt til grunn at stiftinga oppfyller vilkåra for å vera skattefrie etter reglane i skattelova § 2-32, 1 ledd.

STYRANDE ORGAN

Stiftinga sitt høgaste organ er generalforsamlinga som består av 13 innskytarvalde medlemer og 8 varamedlemer. Dei innskytarvalde vert valde av og blant kundane i Sparebanken Vest, busette i ein av kommunane/herada Eidfjord, Voss, Ullensvang, Kvam og Ulvik.

Generalforsamlinga består i dag av 7 kvinner og 6 menn. Leiar for generalforsamlinga er Per Røberg, med Kjellaug Hoås Samland som nestleiar.

Styret består av 2 kvinner og 3 menn med Per Berge som styreleiar. Nestleiar er Vidar Riber og styremedlemer er Margunn Hauso, Heidi Ørjansen og Håkon David Sandven. Styret hadde 6 møte i 2022.

Sparebankstiftinga Hardanger har ikkje teikna ansvarsforsikring for styret eller dagleg leiar.

ADMINISTRASJON OG ADMINISTRATIVE TILHØVE

Sparebankstiftinga Hardanger har kontor i Kinsarvik.

Administrasjonen består av dagleg leiar Kjetil Widding. Kjetil Widding vart tilsett i juni 2022, då tidlegare dagleg leiar Gunnar Skeie gjekk av med pensjon.



STYRELEIAR PER BERGE
TAKKAR AV DAGLEG LEIAR
GUNNAR SKEIE SOM HAR
HATT DET DAGLEGE
ANSVARET FOR STIFTINGA
SIDAN SKIPINGA I 2012. FOTO:
SPAREBANKSTIFTINGA HARDANGER

FORSKINGS- OG UTVIKLINGSAKTIVITETAR

Stiftinga har ingen pågåande forskings- og utviklingsaktivitetar.

ARBEIDSMILJØ

Stiftinga har ingen tilsette utanom dagleg leiar. Arbeidsmiljøet er tilfredstillande. Det har ikkje vore skadetilfelle i 2022.

Etter styret si vurdering er stiftinga si verksemd slik at den i liten grad ureinar det ytre miljøet.

LIKESTILLING

Styrete praktiserer likestilling i samsvar med lover og reglar.

FRAMTIDSUTSIKTER

Stiftinga sine inntekter er fullt ut basert på finansinntekter, hovudsakleg knytt til utbytte frå eigarskapen i Sparebanken Vest, samt avkastninga på dei finansielle investeringane. Utviklinga i finansmarknaden vil derfor vera avgjerande for stiftinga sine framtidige inntekter.

Sparebanken Vest er solid, har god resultatutvikling og gjev stabile utbytteutbetalingar. Stiftinga forventar gode og stabile utbytter også i framtida.

Etter fleire år med finansiell uro er styret si forventning til avkastning på finansportefølja i 2023 moderat. Samtidig har auken i rentenivået siste året resultert i høge innskotsrenter, noko som vil gje gode inntekter med låg risiko.

I tillegg har stiftinga opparbeidd seg eit gåvefond på om lag 67 millionar kroner som vil fungera som ein buffer for å sikra framtidig gåveverksemd, også i år med moderate finansielle inntekter.

Samla sett tilseier dette at stiftinga kan vidareføra ordinær aktivitet innanfor sine føremål.

Føresetnaden for framleis drift er lagt til grunn i årsrekneskapen.

Styret meiner at årsrekneskapen gjev eit rettvise bilete av stiftinga si eiga og gjeld, finansielle stilling og resultat.


Kinsarvik, 16.03.2023

STYRET I SPAREBANKSTIFTINGA HARDANGER


Per Berge
Styreleiar


Vidar Riber
Nestleiar


Heidi Ørjansen
Styremedlem


Margunn Hauso
Styremedlem


Håkon David Sandven
Styremedlem


Kjetil Widding
Dagleg leiar